

### **3. stjórnarfundur Byggðasamlags Vestfjarða um málefni fatlaðs fólks, haldinn í fjarfundi, þriðjudaginn 23. febrúar 2016 kl 13.00.**

Mætt voru Elías Jónatansson, formaður, Gísli Halldór Halldórsson, Friðbjörg Matthíasdóttir, Ingibjörg Birna Erlingsdóttir og Indriði Indriðason. Einnig sátu fundinn þau Sif Huld Albertsdóttir, sviðsstjóri og Aðalsteinn Óskarsson, framkvæmdastjóri sem einnig ritaði fundargerð.

Dagskrá fundarins:

1. Fundargerð 2. stjórnarfundar þann 16. febrúar 2016.
2. Skýrsla R3, rekstrar og mögulegar umbótaaðgerðir BsVest.
  - a) Greinargerðir frá félagsmálastjórum þjónustusvæðanna
3. Samstarfssamningur BsVest og sveitarfélaga.
4. Þjónustusamningur BsVest og sveitarfélaga.
5. Önnur mál
  - a) Fundur með framkvæmdastjórum sveitarfélaga
  - b) Uppgjör félagsþjónustusvæðanna
  - c) Útsvar

1. Fundargerð 2. stjórnarfundar þann 16. febrúar 2016.

Fundargerð 2. stjórnarfundar lögð fram og samþykkt.

2. Skýrsla R3, rekstrar og mögulegar umbótaaðgerðir BsVest.

Mættir til fundar Gísli Sverrir Árnason og Tryggvi Árnason frá R3 ráðgjöf.

- a) Greinargerðir frá félagsmálastjórum þjónustusvæðanna.

Lagðar fram greinargerðir frá sviðstjóra velferðarsviðs Ísafjarðarbæjar og félagsmálastjóra Félagsþjónustu Stranda og Reykhólahrepps varðandi skýrslu R3 ráðgjöf.

Gísli Sverrir fór yfir forsendur og helstu niðurstöðu skýrslu R3 og Tryggvi fór yfir efnisatriði um stjórnunarþætti og fyrirkomulag vakta hjá félagsþjónustusvæðunum. Þeir svöruðu einnig fyrirspurnum um einstaka þætti skýrslunnar.

Tryggvi og Gísli yfirgáfu fund kl 14.30.

Rætt um efni máls, til máls tóku; Elías, Gísli Halldór, Friðbjörg, Ingibjörg, Indriði, Aðalsteinn og Sif Huld.

Formaður lagði til eftirfarandi bókun.

*Stjórn BsVest fellst á þá niðurstöðu skýrslu R3 að ná megí fram hagræðingu í rekstri félagsþjónustusvæða BsVest. Til skemmri tíma litið er það **fyrirkomulag vaktavinnu** en til lengri tíma litið er það **fyrirkomulag búsetu**. Að auki verði að horfa til breytinga í **stjórnun málaflokksins** við gerð fjárhagsáætlana og **eftirfylgni** með framkvæmd þjónustu.*

*Stjórn BsVest tekur síðan skýrt fram, að niðurstaða skýrslunnar leiði samhliða í ljós að reglugerð og fjárhagsrammi Jöfnunarsjóðs, **taka ekki nægjanleg tillit til sértækra aðstaðna á þjónustusvæði BsVest** og mun það valda viðvarandi halla á rekstri BsVest.*

*Það er mat stjórnar að lausn á rekstarvanda BsVest, til lengri eða skemmri tíma litið, verður ekki leystur nema að tekið sé samtímis á framangreindum þáttum. Tryggja verður að til framtíðar að rekstur sé í jafnvægi og skapi nauðsynlega framlegð til þess að geta veitt góða þjónustu og unnið að þróun hennar.*

*Stjórn BsVest felur framkvæmdastjóra að gera tillögu aðgerðaráætlun á grundvelli bókunar stjórnar. Stjórn heimilar að leitað sé nánari ráðgjafar R3 ráðgjafar ehf, við gerð slíkrar áætlunar og fjárhagslegu mati á framkvæmd hennar.*

*Stjórn BsVest beinir því til Ísafjarðarbæjar og félagsþjónustu Stranda og Reykhólahrepps leita nú þegar, eftir óháðri ráðgjöf við skipulag vaktafyrirkomulags á grundvelli tillagna skýrslu R3. BsVest er tilbúið að styðja verkefnið með fjárhagslegum stuðningi eftir nánari samkomulagi.*

### 3. Samstarfssamningur BsVest og sveitarfélaga.

Lögð fram tillaga að samstarfssamningi sveitarfélaga á þjónustusvæði BsVest. Stjórn samþykkir framkomna tillögu og beinir henni til afgreiðslu í sveitarstjórna aðildarsveitarfélaga.

### 4. Þjónustusamningur BsVest og sveitarfélaga.

Lögð fram tillaga að þjónustusamningi við fjögur félagsþjónustu sveitarfélaga innan þjónustusvæðis BsVest. Stjórn samþykkir framkomna tillögu og beinir henni til afgreiðslu í sveitarstjórna aðildarsveitarfélaga.

### 5. Önnur mál

#### a) Fundur með framkvæmdastjórum sveitarfélaga.

Sviðsstjóri kynnti að halda verði samráðsfund framkvæmdastjóra sveitarfélaga um málefni BsVest. Stjórn felur framkvæmdastjóra að finna hentuga dagsetningu í mars, fundur verði haldinn á Ísafirði.

#### b) Uppgjör félagsþjónustusvæðanna

Stjórn BsVest beinir því til aðildarsveitarfélaga að hraða uppgjöri ársins 2015 vegna málaflokks fatlaðs fólks.

c) Útsvar

Stjórn BsVest beinir því til aðildarsveitarfélaga sem eiga eftir að senda inn upplýsingar um áætlað útsvar ársins 2016, hraði því eins og kostur er.

Fleira ekki gert og fundi slitið.

Fundi slitið 14.50.